## Gavino Manca S'EMIGRADU

2º premio (Logudorese)

So emigradu, girende mundu feri feri, chirchende su dirittu naturale in d'unu logu furisteri. Non connosco a niunu e non isco a ue mi dare. A s'improvvisu ido in s'aera su sole brillare. Su coro si m'aberidi che incantu e deo m'affido a issu. ca est s'unica criadura chi connosco, comente a unu Babbu, domandendeli chi m'illuminede su caminu e mi fettada bona cumpagnia.

E totta canta die istada cun megus. Su sero, a s'interrighinada, pro no mi lassare solu, m'intregada a sa luna nendeli: ghìalu istanotte, non connoschede su logu, est un emigradu dae Sardigna; cras torro deo a lu leare. E mi che drommo abbrazzadu cun sa luna. Gai appo cominzadu a connoschere sos males, sas penas, sos dolores ei sas umiliaziones

de s'emigradu: solu, attesu e ismentigadu dae tottu.

## L'EMIGRATO

Sono emigrato, in giro per il mondo insofferente, cercando il diritto di vivere anche in un luogo forestiero. Non conosco nessuno e non so dove andare. All'improvviso vedo nel cielo il sole brillare. Il cuore si riapre d'incanto ed io a lui m'affido, che è l'unico essere che conosco, chiedendogli di illuminarmi il cammino e di farmi buona compagnia.

E tutto il giorno rimane con me. La sera, al tramonto, per non lasciarmi solo, mi affida alla luna, dicendole: proteggilo stanotte, non conosce questo luogo, è un emigrato di Sardegna; domani torno a riprenderlo. Così m'addormento abbracciato alla luna. Così, ho cominciato a conoscere i mali, le pene, i dolori e le umiliazioni dell'emigrato: solo, lontano, e da tutti dimenticato.